



## საქართველოს გაერთიანებული სახელმწიფოს და სოფლის მეურნეობის მინისტრი

### ბრძანება N 2-909

20/09/2019

ქ. თბილისი

#### ვანის მუნიციპალიტეტში, სოფ. ამაღლებაში ი/მ მაია ხელაძის სასათბურე მეურნეობის სარწყავი (სამელიორაციო) სისტემის მოწყობა-ექსპლუატაციაზე სკრინინგის გადაწყვეტილების შესახებ

ი/მ მაია ხელაძის მიერ გზშ-ს ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია „ვანის მუნიციპალიტეტში, სოფ. ამაღლებაში სასათბურე მეურნეობის სარწყავი (სამელიორაციო) სისტემის მოწყობა-ექსპლუატაციის“ სკრინინგის განცხადება.

წარმოდგენილი დოკუმენტაციით დგინდება, რომ სასათბურე მეურნეობა მდებარეობს ვანის მუნიციპალიტეტში, სოფ. ამაღლებაში ი/მ მაია ხელაძის საკუთრებაში არსებულ სასოფლო-სამეურნეო დანიშნულების მიწის ნაკვეთზე (ს/კ 31.13.21.269; 31.13.21.337; 31.13.21.369; 31.13.21.370). უახლოესი საცხოვრებელი სახლი ტერიტორიიდან დაშორებულია 52 მ-ით. ტერიტორიას სამხრეთიდან ესაზღვრება ვანი-ბაღდათის საავტომობილო გზა, ხოლო სამი მხრიდან სასოფლო-სამეურნეო დანიშნულების კერძო ნაკვეთები. სასათბურე მეურნეობა შემოღობილია კაპიტალური ღობით.

სკრინინგის განცხადების თანახმად ი/მ მაია ხელაძე გეგმავს სასათბურე მეურნეობის წყალმომარაგების მიზნით მდ. კვინისწყალიდან წყლის აღებას.

მდ. კვინისწყალი ტერიტორიიდან დაშორებულია 115 მ-ით. სარწყავი სისტემის მოწყობა დაგეგმილია 115 მეტრის და 50 მმ-ს დიამეტრის პოლიეთილენის მილებით. მდ. კვინისწყალიდან აღებული წყალი მილით მიეწოდება სათბურეში განთავსებულ 5 ტ ტევადობის რეზერვუარებს. წყალაღების მაქსიმალური რაოდენობა იქნება 16.4 მ<sup>3</sup>/დღ. წლის განმავლობაში დაგეგმილია 6 000 მ<sup>3</sup> წყლის გამოყენება. (მდ. კვინისწყლის წყალაღების GPS კოორდინატებია: X=303785; Y=4662996;).

სარწყავი სისტემის მოწყობის დროს დაგეგმილია 1 ცალი 36 მ<sup>3</sup>/სთ წარმადობის ტუმბოს მონტაჟი, რომელიც იმუშავებს ელექტრო ენერგიაზე. სარწყავი მილის 20 მ-ს მანძილზე ჩაიდება 15 სმ სიგანის და 20 სმ სიღრმის ტრანშეაში, რომელიც გაიჭრება ნიჩბით და დაიფარება ამოღებული გრუნტით. დანარჩენი 95 მ სიგრძის მილი გაუყვება არსებულ ღობეს ზედაპირულად.

სარწყავი სისტემის მოწყობის დროს სახიფათო და არასახიფათო ნარჩენების წარმოქმნას ადგილი არ ექნება.

ატმოსფერულ ჰაერზე სარწყავი სისტემის მოწყობა-ექსპლუატაციისას ზემოქმედება მოსალოდნელი არ არის.

საპროექტო არეალის მდებარეობიდან და საქმიანობის სპეციფიკიდან გამომდინარე ბიომრავალფეროვნებაზე მნიშვნელოვანი ზემოქმედება მოსალოდნელი არ არის.

ექსპლუატაციის ეტაპზე, შესაძლო ხმაურის წყაროს წარმოადგენს წყლის ტუმბო, რომლის განთავსების და სიმძლავრის გათვალისწინებით მისი ხმაურით გამოწვეული ზემოქმედება არ იქნება მნიშვნელოვანი.

სამელიორაციო სისტემის მოწყობის ეტაპზე მილის პარამეტრების გათვალისწინებით მნიშვნელოვანი ზემოქმედება ნიადაგის ნაყოფიერ ფენაზე და გრუნტის ხარისხზე მოსალოდნელი არ არის.

სამელიორაციო სისტემის მოწყობის და ექსპლუატაციის ეტაპზე ავარიული სიტუაციებისა და კატასტროფების რისკი არ არსებობს. სკრინინგის განცხადების მიხედვით, ვიზუალური შეფასებით, ტერიტორიაზე ისტორიულ-კულტურული მემკვიდრეობის ძეგლები არ აღინიშნება.

დაგეგმილი საქმიანობის სპეციფიკიდან და ყოველივე ზემოაღნიშნულიდან გამომდინარე, სარწყავი (სამელიორაციო) სისტემის მოწყობა და ექსპლუატაცია არ არის დაკავშირებული გარემოზე მნიშვნელოვან ზემოქმედებასთან.

**ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-6 ნაწილის საფუძველზე,**

#### **ვ ბ რ ძ ა ნ ე ბ:**

1. მიღებულ იქნეს სკრინინგის გადაწყვეტილება, რომ ვანის მუნიციპალიტეტში, სოფ. ამაღლებაში ი/მ მაია ხელაძის სასათბურე მეურნეობის სარწყავი (სამელიორაციო) სისტემის მოწყობა-ექსპლუატაცია არ დაექვემდებაროს გარემოზე ზემოქმედების შეფასებას;
2. ი/მ მაია ხელაძე ვალდებულია საქართველოს კანონის „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს ი/მ მაია ხელაძეს;
4. ბრძანება ძალაში შევიდეს ი/მ მაია ხელაძის მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში გადაწყვეტილება განთავსდეს სამინისტროს ოფიციალურ ვებგვერდზე და ვანის მუნიციპალიტეტის აღმასრულებელი ან/და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი